

MBSB BANK BERHAD
JABATAN PEMASARAN DAN
KOMUNIKASI STRATEGIK
Tingkat 25, Menara MBSB
Bank, PJ Sentral
Persiaran Barat, Sek 52
Petaling Jaya
www.mbsbbank.com

PRESS RELEASE
KENYATAAN AKHBAR

For Immediate Release

12 APRIL 2022

**MBSB BANK MENANDATANGANI MEMORANDUM PERSEFAHAMAN DENGAN
DEWAN PERNIAGAAN MELAYU MALAYSIA (DPMM) DALAM KERJASAMA MEMBANGUNKAN
PROGRAM PERKHIDMATAN KEWANGAN UNTUK AHLI-AHLI DEWANITA**

PETALING JAYA, 12 April 2022–, MBSB Bank Berhad telah menandatangani memorandum persefahaman bersama Dewan Perniagaan Melayu Malaysia (DPMM) sebagai tanda kerjasama dalam menyokong program yang akan dijalankan oleh sayap wanitanya iaitu Dewan Perniagaan Wanita Melayu (DEWANITA) bagi terus memperkasakan sumbangan ekonomi yang diusahakan oleh peniaga-peniaga wanita di seluruh negara.

Memorandum persefahaman tersebut telah ditandatangani oleh Presiden DEWANITA, Dato Hajah Nor Haliza Binti Hussain dan Ketua Perbankan Korporat MBSB Bank, Puan Noor Hanim Ahmad Kushairi dan disaksikan oleh Pemangku Ketua Pegawai Eksekutif MBSB Bank, Datuk Nor Azam M Taib dan Timbalan Presiden DPMM Encik Norsyahrin Hamidon.

Majlis yang telah diadakan di Menara MBSB Bank, PJ Sentral telah dihadiri oleh pihak MBSB Bank dan ahli jawatankuasa DPMM serta wakil daripada Unit Peneraju Agenda Bumiputera (TERAJU).

Menurut Pemangku Ketua Pegawai Eksekutif MBSB Bank, Datuk Nor Azam, "Kami berbesar hati dapat peluang untuk bekerjasama dengan DEWANITA kerana mereka adalah pemangkin pertumbuhan ekonomi dan keusahawanan wanita. Kami berharap agar program pembiayaan ini dapat menyokong pengembangan perniagaan dan keperluan kewangan mereka serta mempertingkatkan daya saing usahawan wanita yang berpotensi."

Tambahnya lagi, "Melihat kepada bilangan perusahaan milik wanita dalam pasaran, kerjasama ini akan membantu mewujudkan kehadiran yang lebih besar dalam ruang PKS. Berdasarkan rancangan perniagaan kami, kami menjangkakan untuk pertumbuhan sebanyak RM50 juta dalam aset pembiayaan daripada kerjasama ini."

Manakala, Timbalan Presiden DPMM, Encik Norsyahrin Hamidon berpendapat bahawa, terdapat banyak sekali syarikat-syarikat tempatan yang ingin lebih berdaya saing tetapi memerlukan sokongan dari pihak perbankan. "Dengan penawaran instrumen kewangan patuh syariah, dan mensasarkan sektor PKS sebagai pelanggan utama mereka dapat menjadi sandaran usahawan Melayu dan Bumiputera khususnya dalam iklim pasaran yang terbuka dan kompetitif hari ini."

Norsyahrin menyifatkan hubungan antara usahawan dan institusi kewangan 'ibarat isi dengan kuku', dan menyifatkan keterbukaan MBSB Bank untuk membantu ahli-ahlinya sebagai pembuka jalan kepada kejayaan yang lebih besar dikalangan usahawan Wanita Melayu khususnya.

-END-

For more information or enquiries, please contact:

Azlina Mohd Rashad
Chief Corporate Officer
Corporate Services Division
Tel: 03-7455 5567
Email: strategiccom@mbsbbank.com

Mengenai MBSB Bank Berhad

MBSB Bank Berhad, sebuah bank yang menjalankan Perbankan Islam sepenuhnya, diperbadankan pada 28 November 2005 dan merupakan anak syarikat milik penuh Malaysia Building Society Berhad.

Pada 6 November 2017, MBSB telah menandatangani Perjanjian Saham & Pembelian dengan pemegang saham Asian Finance Bank Berhad ("AFB / Vendors") untuk cadangan pengambilalihan oleh MBSB bagi keseluruhan kepentingan ekuiti dalam AFB untuk pertimbangan pembelian agregat sebanyak RM644,952,807.66 dengan cara tunai berjumlah RM396,894,036.26 dan pengeluaran 225,507,974 Saham Pertimbangan pada harga terbitan RM1.10 setiap Saham Pertimbangan ("Perolehan").

Perolehan ini telah diluluskan oleh pemegang saham MBSB pada 23 Januari 2018. Para pemegang saham juga meluluskan pemindahan Aset dan Liabiliti yang Patuh Syariah MBSB kepada AFB melalui Skim Pengaturan Ahli. Selaras dengan kelulusan yang disebutkan dan setelah selesai pemindahan saham dan pembayaran baki pertimbangan pembelian kepada Vendor, AFB menjadi anak syarikat milik penuh Malaysia Building Society Berhad pada 7 Februari 2018.

AFB telah membuat penjenaman semula dan pada 2 April 2018, ia menukar namanya kepada MBSB Bank Berhad
